



Privaatsak X6001, Potchefstroom
Suid-Afrika, 2520

Finansiële Administrasie: Inkomste

Tel: (018) 299 2667/2668/2669/2670/2671/2672 2673

Faks: (018) 293 5230/5234/5252/5255/5313/5314/5315

E-pos: PUK-studyfees@nwu.ac.za

Dit is 'n plesier om u namens **Finansiële Administrasie: Inkomste (FADi)** te verwelkom as ingeskrewe student by die Universiteit vir 2011. FADi is 'n ondersteuningsdepartement van die Noordwes-Universiteit se Potchefstroomkampus. FADi streef daarna om alle studente en personeel te bedien met flinke en vriendelike diens. Ons wil graag die volgende sake rakende studenterekenings onder u aandag bring.

BETAALBARE GELDE EN FINANSIËLE REËLS 2011

Die volledige besonderhede oor betaalbare gelde asook die gebruik en reëls in verband met die universiteitskaart word in die amptelike dokument getiteld "**Betaalbare Gelde & Finansiële Reëls 2011**" gepubliseer. Die stappe wat die Universiteit kan neem met betrekking tot agterstallige bedrae is ook volledig in die dokument uiteengesit. Die boekie is beskikbaar by ons kantore of op die Universiteit se webwerf by www.puk.ac.za/fad/

UNIVERSITEITSNOMMER

Elke toegelate student tot die Noordwes-Universiteit ontvang 'n universiteitsnommer wat op **alle** korrespondensie wat aan die Universiteit gerig word, **MOET** verskyn. Hierdie **8-syfer-universiteitsnommer** is ook die enigste verwysing wat gebruik moet word by **direkte bank- of elektroniese inbetalings** in die Universiteit se bankrekenings vir 'n student se rekening ten opsigte van klas- en losiesgeld, ander gelde of vir etegelde.

REGISTRASIE 2011


Vergemaklik u 2011-registrasie deur vroegetydig (Desember 2010 of Januarie 2011) u minimum betaalbare gelde in die Universiteit se bankrekening in te betaal. Maak ook seker dat u uitstaande Universiteitsrekening van 2010 ten volle vereffen is, want u sal **nie toegelaat word** om te registreer vir 2011 indien daar nog enige 2010-gelde uitstaande is nie. Let ook daarop dat daar **geen** uitstel op die betaling van die minimum betaalbare gelde vir 2011 gegee sal word nie.

Indien 'n student se studies deur middel van 'n beurs gefinansier word, moet die skriftelike bewys daarvan jaarliks tydens registrasie aan die Invorderingsafdeling voorgelê word. Die skriftelike bewys moet 'n uiteensetting gee van waarvoor die beursbedrae aangewend mag word, asook wanneer die uitbetaling daarvan sal geskied.

Indien 'n student se studies deur middel van 'n lening gefinansier word, moet die skriftelike bewys daarvan jaarliks tydens registrasie aan die Invorderingsafdeling voorgelê word. Die studente moet ook binne 14 kalenderdae na registrasie die minimum eerste betaling oorbetal aan die Universiteit en daarna maandeliks stiptelik hul verpligtinge teenoor die Universiteit nakom om sodoende die rekening soos alle ander studente teen 31 Julie te vereffen.

As u dus van 'n beurs of lening gebruik maak om u studies te finansier, moet u reeds vroegetydig by die betrokke instansie aansoek doen. Die Invorderingsafdeling van die Universiteit kan telefonies gekontak word by (018) 299 2662/ 2663/ 2664 of per e-pos by PUK-invorder@nwu.ac.za in die verband.

BETALINGSOPSIES VIR KLAS-, LOSIESGELD & ANDER GELDE



'n Direkte bankdeposito of elektroniese inbetaling kan gemaak word in enigeen van die Noordwes-Universiteit se bankrekenings by ABSA Bank, Eerste Nasionale Bank, Nedbank of Standard Bank. By ABSA se Rekeningbetalings, ENB se Public Recipients, Nedbank se Bank-approved beneficiaries of Standard Bank se Companies moet die rekeningnaam "**NWU STUDENT**" vanuit u bank se lys van begunstigdes gekies word.

Slegs die 8-syfer-universiteitsnommer sal as begunstigdeverwysing aanvaar word. Die onderskeie rekeningnommers is: ABSA 40-7009-9350, tak 632-005, ENB 6216-190-7335, tak 240-438, Nedbank 1713-378-531, tak 171-338, Standard Bank 33-038-446-5, tak 052-838. Indien u sou verkies om wel 'n betalingsbewys te stuur, faks dit na (018) 293 5210 of e-pos dit na PUK-bankdeposit@nwu.ac.za.

NWU STUDENT is dus uitsluitlik vir Klas-, losies en andergeld terwyl **NWU VENDING** slegs vir die kontant etestelsel bedoel is.

GERAAMDE MINIMUM BETAALBARE GELDE 2011

Die onderstaande bedrae is onderhewig aan goedkeuring van die Raad.

| | Koshuis | Dorp | Afkampus |
|--|------------------|-----------------|-----------------|
| Eerste betaling op klasgeld | 4, 400 | 4, 400 | 4, 400 |
| Eerste betaling op losiesgeld | 4, 000 | - | - |
| Etes tydens O&B* (Verpligtend vir koshuiseerstejaars) | 700 | - | - |
| Registrasiegelde | 1, 000 | 1, 000 | 1, 000 |
| Verpligte betaling | R 10, 100 | R 5, 400 | R 5, 400 |
| Aanbevole inbetaling vir etes (Februarie & Maart 2011)** | 2, 100 | 2, 100 | - |
| Totaal | R 12, 200 | R 7, 500 | R 5. 400 |

* Ontvangs- en Bekendstellingsprogram vir eerstejaarstudente.

** Sien **ETEGELD VIR 2011** hieronder.

KLASGELD VIR 2011

Die volledige lys van klasgelde vir modules en kwalifikasies is beskikbaar tydens registrasie in die betaalsaal van die Joon van Rooy-gebou. Die modulesamestelling is bepalend vir die presiese klasgeldbedrag per jaar. 'n Gemiddelde berekende bedrag per kwalifikasie vir 2011, uitgesluit Akademiese Geletterdheid, word hieronder uiteengesit. Hierdie is nie 'n volledige lys van alle kwalifikasies nie, maar enkele algemene grade:

| | Per jaar | | Per jaar |
|-----------------------|-----------------|------------------------------|-----------------|
| BA | R16, 250 | BCom (Regte) | R22, 750 |
| BA (Grafiese ontwerp) | R17, 900 | BSc (Aktuariële Wetenskappe) | R21, 800 |

| | | | |
|--|----------|------------------------------------|----------|
| BA (Kommunikasie) | R17, 040 | BSc (Verbruikers Wetenskappe) | R21, 650 |
| BA (Musiek) insluitend konservatoriumgelde | R24, 950 | LLB | R19, 950 |
| BA (Maatskaplike werk) | R19, 450 | BTh | R15, 700 |
| BCur | R19, 500 | BIng | R22, 600 |
| Bpharm | R20, 550 | Universiteitsdiploma in Sportkunde | R12, 910 |
| BCom (Bestuursrekeningkunde) | R22, 150 | Honneurs | R12, 200 |
| BCom (GR) | R22, 400 | BEd (Grondslagfase) | R17, 100 |
| BCom (Rek. & Informatika) | R20, 950 | BEd (Intermediêr & Senior) | R17, 100 |

LOSIESGELD VIR 2011

Die onderstaande bedrae is onderhewig aan goedkeuring van die Raad.

| | |
|---|-----------------|
| MANS- EN DAMESKOSHUISE | Per jaar |
| Caput, Excelsior, Heide, Hombrè, Karlien, Kasteel, Klawerhof, Kom en Gaan, Minjonet, Oosterhof, Over de Voor, Patria, Vergeet-my-nie, Veritas, Wag-'n-Bietjie & Wanda | R 12,200 |
| MANS- EN DAMESKOSHUISE: ENKELKAMERS | Per jaar |
| De Wilgers, Republiek, Eikenhof, Laureus & Ratau | R 12,660 |
| OPPIRIF | Per jaar |
| Selfsorg eenhede | R 16,580 |

Die bedrae sluit die aansoekgelde om koshuisinwoning van R 500 in, asook die R 1, 000 ter bevestiging van die koshuisinwoning in die geval van eerstejaarstudente – wat reeds betaalbaar was. Die R 1, 500, of R 500 in die geval van senior studente, word as 'n losiesdeposito op u rekeningstate aangedui en sal aan die einde van Maart oorgeplaas word as krediet op u klas- en losiesgeldrekening.

VEREFFENING VAN UNIVERSITEITSREKENING

Klas- en losiesgeld is streng betaalbaar in **maandelikse paaiemente**. Maandelikse paaiemente word bereken deur die verskuldigde balans na registrasie te neem, ongeag enige vooruitbetalings, en dit te verdeel in die oorblywende maande tot einde Junie.

Hierdie paaiemente word aangedui op die maandelikse rekeningstate, en is betaalbaar binne dertig dae na die rekeningstaat datum, **met 'n finale betaling ter volle vereffening voor of op 31 Julie**. Indien daar nie by die paaiemente gehou word nie, word rente bereken op alle agterstallige paaiemente. **Ander gelde** is streng betaalbaar binne **dertig dae na rekeningdatum**.

ETEGELD VIR 2011**

Etes word streng op 'n kontantbasis by die Universiteit hanteer. Dit beteken dus dat u slegs dit wat u op u eterekening inbetaal, beskikbaar het; geen krediet word dus meer vir etes verleen nie! Etes, bereken teen R70 per dag vir 170 akademiese dae, beloop ongeveer R 11,900 per jaar, of R 1,400 per maand. **Hierdie is slegs 'n aanduiding!**

Etes in koshuiseatsale kan slegs deur middel van die universiteitskaart genuttig word. Studente betaal slegs vir etes wat wel geneem word. Etes en snoeperye kan ook in die kafeteria deur middel van die universiteitskaart aangekoop word. Behalwe vir etes, mag daar net kampusgoedgekeurde items op die universiteitskaart gekoop word, soos bv. PUK-dagboeke, PUK-rugbytruie, eerstejaarsdineekaartjies of toegangskaartjies na goedgekeurde studentefunksies.

ETEGELD-BETALINGSOPSIES



'n Direkte bankdeposito of elektroniese inbetaling kan gemaak word in enigeen van die Noordwes-Universiteit se bankrekenings by ABSA Bank, Eerste Nasionale Bank, Nedbank of Standard Bank. By ABSA se Rekeningbetalings, ENB se Public Recipients, Nedbank se Bank-approved beneficiaries of Standard Bank se Companies moet die rekeningnaam **"NWU VENDING"** vanuit u bank se lys van begunstigdes gekies word. Slegs die 8-syfer-universiteitsnommer sal as begunstigdeverwysing aanvaar word. Die

onderskeie rekeningnommers is: ABSA 40-7010-0351, tak 632-005, ENB 6216-191-6849, tak 240-438, Nedbank 1713-378-558, tak 171-338, Standard Bank 33-038-243-8, tak 052-838. Indien u sou verkies om wel 'n betalingsbewys te stuur, faks dit na (018) 293 5210 of e-pos dit na PUK-bankdeposit@nwu.ac.za.

NWU VENDING is dus uitsluitlik vir die kontant etestelsel bedoel terwyl **NWU STUDENT** vir Klas-, losies en andergeld bedoel is.

KASSIERE OP KAMPUS

Gelde kan van 08:00 tot 15:30 op weksdae by die kassier in die Joon van Rooy-gebou inbetaal word.

INTERNET & ANDER DIENSTE

Die Universiteit behou die reg voor om met die nodige kennisgewing die huidige gebruik van internet en ander dienste vanaf 'n kredietstelsel na 'n suiwer kontantstelsel te wysig.

GEBRUIK VAN UNIVERSITEITSKAART

'n Spesifieke voorwaarde vir die gebruik van die universiteitskaart is dat die student aanspreeklikheid aanvaar vir alle finansiële transaksies wat daarmee aangegaan word.

BEURSE EN LENINGS

Enige verdere navrae kan gerig word aan: Noordwes-Universiteit, Finansiële Steundienste, Potchefstroom Kampus, Privaatsak X6001, POTCHEFSTROOM, 2520 of besoek hul by gebou F19 of skakel hulle telefonies by (018) 299 2045/6, of e-pos hulle 22063927@nwu.ac.za of 22081453@nwu.ac.za

Vriendelike groete
R.G. Roberts
 Afdelingshoof & Senior Rekenmeester